

建德縣志

12-13

建德縣志卷十二

武備志

軍制 兵事 陸軍官產表

屯運 警察 民團 勳襲世職變遷表

陣亡及被難表 武職表

建德一隅原無所謂武備但遜清爲嚴州府附廓自治一府之大必須防兵縣區據浙上游尤爲婺歙衝要歷代遞置重兵改曆以後水陸皆有兵警民間又設團保衛其斤斤於武備者蓋以嚴州不守臨安必危也志武備

軍制

遜清額設建德縣汛防守左營把總一員汛南汛西安設協防外委綠營既裁建德由巡防隊駐守自徵兵之制行遂時

有陸軍屯紮雖更調頻煩與守兵性質各異而軍容茶火不可無聞因併現在所駐之軍及歷代防兵之與建德有關者自孫吳設縣始據其可信者載之

吳揚威將軍孫韶封建德侯赤烏四年子越嗣

揚威將軍後改鎮北將軍

晉開國侯宋興食邑於建德

晉制大小國皆有三軍開國諸侯位視孤卿重號將軍光祿大夫班次之

陳文帝天嘉六年立子伯固爲新安郡王

邑二千戶廢帝嗣立爲使持節都督南琅邪彭城東

海三都諸軍事

唐肅宗至德間置睦州防禦使

宋建隆元年正月甲子以殿前都虞侯皇弟光義領睦州防禦使

詔曰

朕應天順人宅萬方而建號自家型國睦九族以推恩皇弟三弟新補殿前都虞侯匡義擢秀本枝協謀興運自天鍾德秉文武之

才在邦必聞有孝弟之行屬茲叛業宜被寵光俾領郡符兼提使印官階等爵式示等威徵鵠鵠之詩方思於外禦董獬貅之衆用

肅於內朝雖曰匪親不居亦無生而貴者是膺歷試仍錫嘉名勉樹令猷永保多福可特授光祿大夫檢校太保持節睦州諸軍事

行睦州刺史充本州防禦使大夫封天水縣開國子食邑五百戶

宣和元年陞建德軍三年十二月壬子改睦州爲嚴州建德軍爲

遂安軍十二月以皇子領遂安軍慶源節度使

制曰周封同姓以親賢式厚深根之

固漢尊二等而立爵載圖磐石之安朕隆紹慶基端膺駿命永錫祚嗣肇開第室之榮對揚王休申畀國章之寵丕昭顯冊宣告羣工皇子檢校太保鎮海軍節度使開府儀同三司廣平郡王食邑九千四百戶食實封三千戶構日幹分暉珠橫疏潤斯干協吉茂嶷嶷之奇姿典命陳儀稱煌煌之華芾聰達蘊自然之質藝文成不習之能詩禮雅言允廸聖門之訓堯舜正道率循嚴傳之規既進官以重嘉宜遵年而出閣班趨萬玉行瞻極以來朝堂廠旅楹既環宮而列邸載侈褒崇之數益彰振厚之風胙南土之山川佩眞王之印綬面槐恩於戲建國以親諸侯義重本支總戎麾於兩鎮併疇圭賦增渥渥恩於戲建國以親諸侯義重本支總戎麾於兩鎮朝天子慶源等軍節度使其祗服於朕辭以永綏於爾社實可特授太保遂安慶源等軍節度使進封康王加食邑一千戶食實封三百戶勳封如故

寶祐五年以皇子忠王領鎮南遂安軍節度使

制曰皇子崇慶軍節度使開府儀同

三司忠王食邑八千戶食實封三千戶某體凝四氣性備五常言必詩書信矣隆師親友之效動循法度見諸鳴玉曳履之間雖岐

疑之夙成亦進修之加益每見晨昏之定省能知宵旰之憂勤契
於朕心豈非天意乃者藏祠重屋祿禮貳觴祖考神祇之顧歆遠
近內外之歡洽豐水數世將益廣於周仁大國十成詎可拘於漢
制洪惟端拱之屬賢嗣常領荆湖而建將壇庸接版圖丕崇令典
新定則我太宗之舊建洪都則我壽聖之初潛植蠱建牙煥陳儀
於兩鎮加田倍食仍際禮於三台以壽承累世之潛植蠱建牙煥陳儀
服明訓益綏令猷朕非假名器之私克儉克勤爾尙贊邦家之治往
食邑一千戶食實封
四百戶主者施行

元至元初罷防禦使以總管統之置萬戶府

明罷民兵萬戶府軍丁
冊籍止設嚴州守禦千

戶所掌之正千戶一副千戶四百戶二十其掌印千戶於勦襲土
弁中簽授非由部選其軍則有運額屯額操額此外又有民兵民
兵卽民壯令
有司主之

明洪武初改建德路爲嚴州府總管爲知府不任軍事軍丁冊籍設

嚴州守禦千戶所掌之

守禦所旗軍原額
二千二百四十名

嘉靖三十九年增設台金嚴參將一員

隆慶四年抽取杭湖金嚴四府民壯工食改募精勇兵五總每逢

秋冬中營一總管兵屯守嚴州府

每總五百四十二名匹本府民壯原額一千四十名防守各縣

嘉靖間抽取四百名在府操練隆慶間奏取八百七十七名
名工食解司募兵府止存一百十三名建德一百一十名

清順治三年設總兵一員轄中左右前後五營

順治五年改設副總兵官一員轄左右二營都司二員守備二員

千總四員把總八員戰守兵丁一千六百名官馬一百六十四匹

分防

一府六縣汛
係提督外屬

康熙十二年裁馬戰兵五百名

康熙三十五年裁馬戰兵九十七名

雍正五年添設經制外委千總二員外委把總四員

雍正七年將右營都司裁歸嘉興以左營都司爲中軍都司並裁京撥戰兵二名守兵五名官坐馬四匹

雍正十三年衢州協改鎮以嚴州城守營改隸衢州並裁溢額馬五匹撥入衢鎮改設戰兵五名額存馬步兵丁九百九十六名官自備坐馬四十八匹兵給馬九十九匹

乾隆二十七年九月添設額外外委三名

乾隆四十七年刪除各官養廉馬餉三十三名戰餉二十八名守餉五十三名公糧守餉二十六名嚴協額設副將一員中軍都司一員左右二營守備二員千總四員把總八員外委六員額外外

委三員兵八百五十六名

道光十二年裁馬兵二名戰兵四名守兵十九名官馬二匹

道光二十四年裁戰兵二十四名守兵五十六名官馬二十六匹
馬兵改爲戰兵操防

道光二十八年裁戰兵六名守兵十四名
嚴協營官兵實共副將一
中軍都司一守備二
千總四把總八外委六額外外委三
兵七百三十一名分防一府六縣

咸豐十一年守兵潰

同治五年五月收募散兵四百四名
內哨長四不分馬
戰守暫爲操防

同治七年十一月減兵增餉
按七百三十一名減四成存六成添募兵丁三十八名裁汰哨長四名酌

合六成兵丁四百三十八名分列馬戰守餉內馬兵十四名外委
六名額額外委三名均在額兵之內戰兵九十二名守兵三百三

十二名駐
郡操防

同治十一年裁把總一員外委一員額外外委一名

光緒二十二年議裁綠營

汰去十成之三實存
兵額三百一十一名

光緒三十三年再議裁綠營

自此嚴協僅存額兵二百三十八
名是年行徵兵制三月來嚴徵兵

宣統二年五月綠營裁建德汛防守左營把總一員兵丁二十六
名汛南三河成協防外委一員兵丁五名汛西庵口協防外委一
員兵丁三名並建汛巡視東西南三港哨船五隻至是裁盡改設
巡防隊一哨駐建德

民國一年十月分調巡防隊一營管帶一員哨官三員哨長三員兵

丁一百八十八名駐建德

分防建德淳遂三縣後改設警備隊
建德駐哨官一員兵丁五十一名

三年二月設團區司令部於建德上校司令官一員上尉副官一

員會計兼書記一員

轄舊杭嚴退伍兵士

五年五月浙江暫編陸軍第九十九團移駐建德團長一員團附

二員團副官一員營長三員連長十二員連附三十六員司務長

十二員全團官兵共一千七百零四名

五年十月改本團為第七團第三營向駐桐廬六年

四月移駐建德

兵事

天生五材不能去一建德地當要衝尤為用兵者所必爭因按歷史及舊志所記者分條載之

吳黃武五年太守全琮招徠山寇建德平

黃武初山民多盜是年秋七月分丹陽會稽吳三郡

惡地十縣為東安郡以全琮領太守事至則招徠山寇四境悉平

晉寧康末輔國將軍新安太守孫泰以妖術私聚徒眾會稽內史謝

輔發其謀孝武帝誅之

梁大寶二年

世祖猶稱太清五年

十月王元頽等據東陽歸順偕別將李占趙

惠朗下據建德江口尹思合收景新安太守元義奪其兵

時景司空東道

行臺劉仁茂儀同尹思合劉歸義王畢雲麾將軍桑乾王元頽等據東陽歸順仍遣元頽及別將李占趙惠朗下據建德江口尹思

合收景新安太守元義奪其兵明年景遣田遷謝答仁東征神茂將王華麗通並據外營降歸義思合棄城走神茂孤危復降景寸

斬之

元帝承聖元年

即大寶三年

程靈洗由新安進軍建德擒賊帥趙桑乾

初侯景之亂元帝於荊州承制遣使間道奉表劉神茂自東陽建義拒賊靈洗攻下新安與神茂相應神茂破景偏師呂子榮進攻

新安靈洗退保黟歙及景敗靈洗復據新安進軍建德擒賊帥趙桑乾

陳永定二年向文政據新安以郡人陸繕爲太守討平之

元嘉三年三月庚寅司空侯安都破留異於桃支嶺東陽郡平

初文

帝遣左衛將軍沈恪代異為郡實以兵襲之異出下淮抗禦恪與戰敗退還錢塘乃表啟遜謝時朝廷方事湘郢乃降詔書慰諭且

乃詔揚其罪亦使司空侯安都討之異本謂臺軍自錢塘江上安都

乃步由會稽之諸暨出永康異大恐奔桃支嶺豎柵以拒安都躬自接戰異為流矢所中

隋大業十二年歙人汪華起新安號吳王據歙郡并有宣杭睦婺饒

五州

義寧元年東陽郡亂大司徒陳杲仁平之

唐武德四年杜伏威命王雄誕平歙析桐廬置嚴州以范希禮為刺

史尋併嚴州於睦州

永徽四年睦州女子陳碩真自稱文佳皇帝

碩真自稱文佳皇帝以淑微為僕射破睦

州攻欽遣其黨圍婺州刺史崔義元發兵相拒命參軍元籍爲先鋒統衆繼之至下淮戍擒其諜數十人

天寶末浙賊袁晁反李光弼部將魏州人張伯儀討平之擢睦州刺史

廣明元年黃巢陷睦婺二州

縣之屯軍山相傳黃巢屯兵於此

中和四年鎮海節度使周寶裨將陳晟攻睦州逐刺史韋諸朝廷

因命晟爲刺史

乾寧四年淮南將安仁義攻之不克光化三年宣州將康儒攻之食盡遁歸晟據州十八年弟詢代

立畏錢鏐忌己因徐綰亂與田頔通鏐疑之割桐廬隸杭州

天祐元年睦州刺史陳詢以州附吳次年楊行密承制拜欽婺衢

睦四州都團練觀察處置等使

天祐三年錢鏐取睦州陳詢奔淮南

吳越天寶間遣大將李文慶督兵睦州

唐潞王清泰二年劉漢弘犯睦州宋藝祖建隆八年錢王

朝
歸

宋宣和二年清溪方臘陷建德軍義民潘世雄戰死三年夏四月韓

世忠擒方臘八月伏誅改睦州爲嚴州軍爲遂安軍

時吳中困朱
勔花石之擾

臘因民不忍以誅勔爲名自號聖公建元永樂置官吏將帥凡六
等無弓矢介冑以鬼神秘詭事相煽怵不旬日聚衆數萬兩浙都

監察遵顏垣擊之皆敗死於息航攻青溪克之遂陷睦州將郭
師中戰死遂北掠桐廬富陽進逼杭州郡守趙霆棄城走奏至京

師王黼匿不以聞淮南發運使陳遘上言臘衆強東南兵弱乞調
京畿兵及鼎澧槍牌手帝得疏大驚乃罷北伐之議以童貫爲宣

撫使譚稹爲兩浙制置使率禁旅及秦漢蕃漢兵十五萬討之前
鋒至清河堰水陸并進臘遁還青溪幫源洞諸將劉延慶王稟王

渙楊惟忠辛興宗王淵等相繼至盡復所陷城四月貫等合兵擊
臘於幫源洞臘衆尙二十萬王淵裨將韓世忠仗戈直前擣其穴

格殺數十人擒臘以出辛興宗領兵截洞口掠爲己功取臘妻子
及僞相方肥等殺賊七萬餘人其黨皆潰臘之亂凡破六州五十

二縣戕平民二百萬所掠婦女僕而縊於林中者相望八月臘伏誅

乾道元年乙酉桃源寇作縣人推江淮總幹補將仕郎胡莊畫計擒之

德祐二年三月戊子知建德軍方回降元四月衢州章煇作亂偕其黨唐良嗣方忠義自蘭溪來犯三河宣撫唆都遣招討焦興總管高興擊却之斬忠義煇復偕楊武烈來侵都又遣萬戶嚴忠傑擊却之七月十七日縣南義民黃應辰圖復宋敗績自刎死

是年爲元

至元十三年五月乙未朔陳宜中等立是於福州以承宋祚改元景炎明年元改建德府爲建德路

元至正十年劉糾斜殺赤刺據建德路

至正十七年謝璽據建德路

宋韓林兒

龍鳳四年戊戌二月李文忠由昌化進攻淳安破元洪元帥

營降其衆三月會鄧愈胡大海兵取建德謝璽以城降文忠授親

軍都指揮使領元帥府事改建德路爲建安府

文忠守建德時府城新破壁壘未備

張士誠遣其徒率苗獠水陸奄至與戰於大郎灘有楊完者兵屯烏龍嶺文忠大敗其衆取所斬俘馘載巨筏乘流而下水寇退

龍鳳五年己亥三月張士誠侵建安李文忠率兵從小北門過鮑

婆嶺出碧溪陽與戰大破之

今城無小北門

五月士誠復侵建安文忠遣

將何世明率精銳由烏龍嶺出胥口與戰復破之

龍鳳九年癸卯金華苗帥蔣英殺江南行省參知政事胡大海同

僉行樞密院事李文忠率建德兵撫之

初嚴州既下苗將蔣英劉震李福自桐廬往歸大海

喜其饒勇置之麾下是年正月三人謀作亂晨入分省署請大海觀弩於八詠樓下遣其黨跪馬前詐訴英過大海未及答英出袖

中槌擊中腦仆地其子
關住郎中王愷同遇害

龍鳳十一年乙巳李文忠救新城破張士誠兵二十萬班師回建

安

是年修建烏龍王廟明年丙午召還授密計還鎮十月進兵克桐廬富陽下之杭守將潘元明遣員外郎方彝納款並下杭州

文忠在鎮九年恩威流布人民乂安

龍鳳末於潛梁萬戶率兵構亂烏合數千人以紅巾裹頭自杭至
徽掠淳安及建德會少保常遇春自新城來同僉李文忠自建安
下與戰盡勦之

明建文四年紅巾賊掠大洋居民走匿黃氏姑嫂自經死

正德八年癸酉江西賊王浩八據馬金嶺逼嚴詔以都御史俞諫
節制六藩討之擒浩八及首從二百二十九人斬首七百餘級